

الكتب القيمة المخزونة الكاملة لقومية هوي الصينية

# 回族典藏全書

吳海鷹 主編

甘肅文化出版社  
寧夏人民出版社

080

主編 吳海鷹

副主編

吳建偉

雷曉靜  
雷興魁

# 回族典藏全書

080

甘肅文化出版社  
寧夏人民出版社

寧夏回族自治區人民政府

資助

寧夏社會科學院

主辦

寧夏少數民族古籍整理  
出版規劃領導小組辦公室

編輯

第八十冊 目錄

續藏書(卷二十二——卷二十七)

明木刻本

明·李贊

〔回族典藏全書〕

回族典藏全書

版 作 文  
獻 名 繢藏書  
本 者 明 李 贊  
明木刻本

政史類





續藏書二十二卷目錄

理學名臣

湛文簡公若水

呂文簡公柟

附 馬汝驥 王道 穆孔暉

鄒文莊公守益

附 子善 孫德涵 德溥

王心齋公艮

附 子璧 林春

文獻名續藏書  
版作  
者明李贊  
本明木刻本

董蘿石公澐

附子穀

王龍溪公畿

唐荆川公順之

羅文恭公洪先

羅近溪公汝芳

殷侍郎公邁

張諭德公元忭

楊侍郎公起元

目錄終

續藏書卷二十二

理學名臣

尚書湛公

事 康陵 永陵

公名若水，字元明，廣東增城人。性穎敏，自少知學，弘治壬子以書魁其倫，尋從白沙先生遊，卽以隨處體認天理爲宗。白沙曰：「此子參前倚衡之學也。」自是潛心默會，日有所得，遂焚去路引，誓不復仕。後以母命出，僉事徐紘爲勸駕，赴南雍祭酒章懋試，辟面叢哲論，甚奇之。乙丑會試學士張元禎、楊廷和主考，撫其

卷五

卷五

文獻名續藏書  
版作  
者明李贊  
本明木刻本

卷曰此非白沙之徒不能爲拔第二名賜進士高等選爲翰林庶吉士擢編修時陽明王公在吏部相與倡道京師場屋所取士修撰呂柟主事王崇輩和之道價日著學者稱甘泉先生久之使安南冊封國王黎凋却其餽不受正德丁亥奉母喪歸葬荷塘廬墓三年墓產瑞瓜人以爲孝感所致卜築西樵多士來學支與日給錢米開禮舍于僧寺至齋戒三日習禮成而後聽講講必端坐觀心不遽與言嘉靖初趨朝考九年滿陞侍讀尋陞南京國子監祭酒開講院

與諸生論學，刻心性圖說未滿考陞禮部侍郎。先後有勤聖學等疏凡數十上，總爲獻納編。又倣大學衍義補作格物通以進，累遷南禮吏兵三部尚書，置新泉三山二莊講學于新泉書院、江都休寧貴池等處。公書院所在而是，滿九年考吏部奏其績，上以年逾七十許致仕。所著有遵道錄、樵語、古文小學、四書測、二禮經傳測、春秋正傳、古易經傳測、學庸訓測、前後詩文集，不啻千百卷。門人在監者，永康程文德、武陵蔣信，最知名，皆極力薦拔，位至通顯。平生足跡所

文獻名續藏書  
版作者明·李贊  
本明木刻本

至必建書院祀白沙雖田莊亦然嘗於所居天闢精舍參贊尚書府立祝聖所置倉廩館穀多士又至衡山建白沙書院置田五頃歸復取白雲山爲白沙祠平生志篤而力勤無處不授徒無日不講學從遊者殆徧天下所論以自然爲本體以勿忘勿助爲工夫大抵得之師門爲多白沙嘗謂曰人與天地同體四時行百物生若滯在一處安能爲造化之主善學者常令此心在無物處便運得轉耳學以自然爲宗不可不理會又曰學以自然爲宗承喻日來頗有湊

泊處譬之適千里者、起脚不差、必有所到、自然之樂、乃真樂也、宇宙間復有何事、又示以詩曰、有學無學、有覺無覺、千金一瓠、萬金一諾、天命流行、真機活潑、水到渠成、鳥飛魚躍、德山莫杖、臨濟莫喝、萬化自然、太虛何說、繡羅一方、金鍼誰掇、其得於指授者如此、庚申四月丁巳卒于所居小凹洞、年九十五、有大星隕于廣州之河南、其聲如雷云、公在南都久、春時勸農、躬詣田畝、閔俗侈汰、定喪祭之制、頒行之、費省而禮舉、都人無不樂從、有劉公廟聚衆燒香爲沈其像

文獻名續藏書  
版作者明·李贊  
本明木刻本

於江絕衆惑貧者或以火葬公買地城四郊爲漏澤園以處之且置田供時祀費盡毀私創庵院僧尼勒令歸俗後生子多以湛名者

侍郎呂文簡公

事

康陵

永陵

公名柟，字仲木，陝西高陵人。居涇水之陽，學者稱涇野先生。祖彬卿，葬日，廣中有聲如雷。卜者以爲當顯，六世後六傳至溥，生公。果符卜言。公資性穎悟，始就傳習，幼儀郎中，高選奇之曰：「此大器也！」提學馬中錫異其文，收入縣學，尚未總弁，卽志聖賢之學，危坐朗誦小屋中，祁寒酷暑，不踰戶限。已受學孫行人昂，充然有得。督學楊邃菴、王虎谷，拔入正學書院，嘗夢明道、東萊親爲指授，而義理愈精。熊李二叅政聞其賢，

文獻名續藏書  
作者明李贊  
版本明木刻本

理學名臣

卷二十一

四

欲延爲塾師、公以禮無往教辭之、乃遣其子就學山寺、未幾聞父疾奔還、二公用驛馬追送、弗受、疾平移居雲槐精舍、從遊者日衆、辛酉年二十三中鄉試列其文明年下第、卒業成均、與三原馬伯循、秦世觀、榆次寇子惇、安陽張仲修、崖谷危、林縣馬敬臣輟舉業而講理學、習古冠婚士相見禮、孝廟賓天、衆在順天府哭臨、惟具禮耳、公則涕淚交下、通國異而謹之、弗恤也、孫行人歿、爲之服衰、拜送弔客、戊辰中會試第六人、廷試擢第一、先是康對山爲會試同考、批

其卷云、卷甚佳、惜力微、不能首薦子、然子自當魁天下矣、自鄉試至是僅八年、有成帙詩文集、爲翰林修撰、受祿祀先祝、稱某之子某、聞者羨其知禮、父母書至、對使拜受、退而跪讀、其他親友書、受讀亦各有儀、聞期功喪、必爲位哭奠、饋遺非禮不受、逆瑾擅權、竊政附之者、驟遷顯秩、公雖同鄉、獨不往、且却其賀、瑾不堪、又因西夏構論上疏、請上入宮親政事、庶禍本消除、宗社可保、瑾更惡其直、欲殺之、遂與何柏齋相繼引疾去、何亦當時所不能容者、遣官校偵其過、